

Heedr Mädle

von Johann Szimits (aus "Schwowische Gsätzle ausm Banat")

Han ausgedient beim Militär,
Die Zeit wär aa jetzt do,
Das ich mir meine finne kennt,
Un werklich, ich wär froh.

Nor wann ich do ens suche tun,
Des macht mr rein e Qual.
Ich wees net, well ich holle soll,
zu schwer fällt mir die Wahl.

Des Lis' hat's Mäulche kerscherot,
un Grübchen hat se aa.
Un milchweiss sin die schenste Zäh'n,
Ich men die werd mei Fraa.

Des Len hat Aue himmelbloo,
Un Hoor als wie von Gold.
E Metr lang, wie wär ich froh,
Wann mich des Leni wollt.

Des Mrei geht wie uf lautr Droht,
Is wunnerschön gebaut.
Un tausend Gulde kriet se aa,
Ei wär se nor mei Braut.

Des Käth schaut wie e Engl aus,
Hat Aue wie e Reh..
Un rundi Ärm, ich zitr ganz,
Kumm ich ihr in die Näh.

Des Sus', des hat euch Backe rot,
Is scheen so wie e Phupp.
Die Hor sin gschnecklt, Thitte hats,
Wie e kleene Guglhupp.

Des Gret hat Aue schwarz wie Pech,
Die blitze wann es lacht.
E Haut wie Schnee un Gestalt un Gang,
Zu schaue nor e Pracht.

Drum wees ich mir zu helfe nit,
Wann ich se alli ufzähl,
Un jedes anri Reize hat,
Well das ich mir no wähl.

Drzu a jedi fleissich is,
Un brav un kocht aa gut.
Vor solchi Mädle alliweil,
zieh runner ich mei Hut.

Ja, wann ich nor a Therk tät sin,
Nehmt ich am liebste's Gret
Uns Leni, Kati, Mrei un Lis',
Korz – alli von dr Heed!